

cum oleo lumbricor. & cera q. s. fiat ceratum.

Præstantius fiet, si in aqua vitæ & salviæ lauentur omnia.

Fiunt etiam cerata ex emplastris, in oleo conuenienti dissolutis, quando scilicet pars affecta emplastri duritiem ferre nequit, vt ad tumorem articulorum discutiendum, vbi iam dolor sublatus est:

℞. Emplastri de meliloto, diachyli, ireati, an. ℥i. pulueris hermodactyl. chamæpyth. lumbricor. an. ℥ss.

olei irini vel chamomelini q. s. fiat ceratum.

De Emplastris.

CAP. XLVII.

Emplastrum, ἐμπλαστρον Græcis, videntur dicta ea medicamenta, quæ linteis & expansa, vel pellibus tenuibus inducta imponuntur, quo tenaciter corporis partibus adhæreant. Quare à materia emplastica & glutinosa nomē habent, cuiusmodi est cerussa b, pompholyx, cadmia, calx lota, bolus armen. terra sigillata, creta, amyllum, cera, & præter hæc quædam, quæ & vnguentorū & ceratorum compositionem ingrediuntur, vt sunt lacrymæ, resinæ, pix, terebinthina, mastiche, ladanū & similia viscosa. Quædam etiam alia, vt pulueres, quæ nihil visci licet habeant, viscosis tamen & glutinosis vniuntur. Ipsorum enim consistentia solidior est & durior, quam sit ceratorum, quam à prædictis nanciscuntur, præferim à creta, lythargyro, (quod materia emplastrorum à Galeno dicitur

a Actuar. 5. meth. med. 1. b De materia emplastr. vide Aegin. lib. 7. c. 17.